

Qui manet in caritate in Deo manet, et Deus in eo.

Léctio Epístolæ primæ beáti Ioánnis apóstoli

4, 11-16

- ¹¹ **C**aríssimi, si sic Deus diléxit nos,
et nos debémus altérutrum dilígere.
- ¹² Deum nemo vidit umquam;
si diligámus ínvicem, Deus in nobis manet,
et cáritas eius in nobis consummáta est.
- ¹³ In hoc cognóscimus quóniam in ipso manémus,
et ipse in nobis,
quóniam de Spíritu suo dedit nobis.
- ¹⁴ Et nos vídimus et testificámur
quóniam Pater misit Fílium salvatórem mundi.
- ¹⁵ Quisque conféssus fúerit: “Iesus est Fílius Dei”,
Deus in ipso manet, et ipse in Deo.
- ¹⁶ Et nos, qui credídimus,
nóvimus caritátem, quam habet Deus in nobis.
Deus cáritas est;
et, qui manet in caritáte, in Deo manet,
et Deus in eo manet.

Verbum Dómini.